



Hans-Jürg Patzen, director da la parschùn da Riòlta a Martin Schmid, cunzeolier guvernativ a caschùn da l'inauguraziùn da la sana-


# La parschùn da Riòlta e sanada

■ (anr/grc) An vendergis e la parschùn da Riòlta c'è vagnida sanada mievlamaing par radund 11 miliùns frànchs vagnida inaugurada. Da quels à la federaziùn pajieu radund 4,2 miliùns. Sper igls dus cunzeoliers guvernativs, *Martin Schmid* a *Stefan Engler* e ear cunzeolier federal *Christoph Blocher* sto da la partida trànter igls ple ca 100 giasts avidos.

## Execuziùn digls castitgs e tgossa digls cantùns

L'execuziùn digls castitgs sch'egna parsuna davainta castievla, e tgossa digls cantùns. Parquegl àn els da procurar par l'infrastructura basgnevla. Cunzeolier guvernativ *Martin Schmid* à raporto ca quegl fuss par mintga cantùn megna tgear scha quels lessan far quegl mintegn par sasez. Igl dat radund otg spezias da parschùns, sco par exaimpel talas par giuvenils, par carschieus, par dunas, measa parschunareia, parschùns dad òlta sigiretzga etc. Igl cantùn Grischùn cun las parschùns cun 100 plazs a Riòlta, agl Sennhof a Cuira ad a Silvaplana presta cun quegl sia cuntribuziùn agl concordat dad execuziùn digls castitgs da da la Svizra orientala, anzemel cun igls cantùns digl Appenzell, San Gagl, Schaffhausen, Turgovia a Turitg.

Sper las zelas par arest d'inquisiziùn an la parschùn Sennhof a Cuira àn a Riòlta plaz 100 parsunas an parschunareia miez libra. «Momentan en 84 umens arestos qua tier nus», à igl director da la parschùn da Riòlta, *Hans-Jürg Patzen*, fatg da saver. Quels en arestos par pocas eandas antocen 10 ons. 18 en digl cantùn Grischùn, 43 darivan digl cantùn Turitg, otg da Turgovia a sis da San Gagl ad igls ulteriurs sis dad oters cantùns. Igl parschuniers



Egn'iglieada or d'egna zela.

arestos a Riòlta valan betga sco privlus par la publizitad. Pigl ple satrac'igl da parsunas c'en vagnidas an conflict cun la lescha da narcotics, oters àn angulo, en violaints near c'els àn surpasso la lescha davart igl trafi sen veia. 52 da las parsunas arestadas a Riòlta en Svizra, igls 32 ulteriurs darivan da 21 naziùns, c'àn dantant domicil da plirs ons qua tier nus. Cun la sanaziùn da que bietg en ear vagnieus stgafieus sis plazs an parschùn sarada. Quella segi par antradas novas «criticas» near par cass da crisas ca parschuniers pon ver. Quella partiziùn de ear impedir da fugir ord parschùn.

## Custs quasi sco previus

La sanaziùn da que bietg digls 1964 à

suczedieu an quater etapas. Antschiet a biagear e vagnieu digls 1999. Durànt la sanaziùn e igl bietg adigna sto an funcziùn, ad igls custs àn quasi ampurto quegl c'eara previu, à *Markus Dünner* digl Ufezi da construcziùn òlta digl cantùn Grischùn fatg da saver.

La sonda digls 8 da matg, da las 10.00 antocen las 16.00 à liac igl gi da las portas aviertas da la parschùn da riòlta. Que gi à ear la publizitad la pussevladad da vurdar que bietg. Tgi ca e aresto a Riòlta à egna structura digl gi completa. Qua vean par exaimpel luvro an l'orticultura, segl plaz da far lena dad arder, an la meztga, segl bagn puril cantunal, near c'ign s'ocupescha sco canastrer.



An la parschùn da Riòlta vean luvro.